

修道爲教

老祖訓曰。大道無名。大化無形。惟無名者。乃可包天地。惟無形者。斯能入乎炁胞之中。此卽吾道之所以爲大道也。憶自傳道垂教於斯壇也。爲時瞬已三載。度化已逾萬餘。不得不謂昌且盛也。而各地修子。雖悟者匪鮮。而執迷者實大有人在。此吾老人之深爲衆生憂者也。衆生芸芸。化自炁胞。雖有先後天之別。而實則後天亦何莫非出乎先天也。是以自吾視之。復何分哉。因其藉四大以成軀殼。秉清靈而發仁義。其根本之原。仍在乎炁。是則人與道合之一明證耳。惜也人自受生以來。真性日錮。則與道離矣。然欲挽回之。亦猶反掌。蓋教修而後道明。慨今之教法凌夷甚矣。派別紛歧。入主出奴。是雖欲明道。而其效乃適相反。吾見及此。欲知道之昌。首在修教。修教之要。厥惟化私而泯爭。欲有得乎此也。舍明本而未由。本旣明矣。私乃化焉。本明私化。則爭於何有。故吾道大旨。首重公與誠。公爲天下之大本。誠乃萬有之原靈。使萬有各葆其原靈。而復天下之大本。則吾道之真境。於焉造其域矣。

亘古今無生滅。非常而常。非變而變。具其真以貫乎萬有者。是謂之道。道亦強名耳。緣無在非道。無有不具其真空。言曰道。則固無可爲定。而在萬有之中得其真。則又莫不是道。斯道也者。果將何以明之哉。其可明者。惟從萬有之形。以推尋其源而竟其流。則就已形之理。似亦不難得其故已。茲且從道之源流約略而論之。道之化形。自古迄今。不外三段之推遷。其在上古。萬有秉炁而生。其質渾樸。故無所爭而不互戕。肫肫浩浩。一順天理之自然。所以皆在道軌之中。而無軼失。其時無所謂熙皞而自熙皞。降及中古。人爲萬物之靈。漸因其智識之啓發。以致人羣物類。浸以區分。有所區。於是遠近厚薄之理出焉。因此之點。乃不免稍現爭戕之事。故聖者

作。以時遞嬗。而序其彝倫。明其天秩。由人而爲之治。此時所謂道化是也。道化之時。卽治卽道。故卽君卽師。無所謂政教也。逮至中古以下。人羣以智識之日進日活。其去古初旣遠。所秉元炁日漓。致多不克涵蓄而易浮動。於是乃有政教之名。教從精神爲之作育。政從刑法爲之範圍。然在始際人羣之元炁雖漓。而成形之後。氣猶多渾厚。故教如是者。政亦如是。當是時也。政教雖有分晰之名。而其爲用尙一也。厥後人羣賦形之氣。寢又日薄。而心理之浮動中。其貳惑日益紛歧。以此之故。政之刑法。漸不能範圍人身。而其心之浮動。勢且一日千里。於是各教之聖。以時代作。而提倡人羣養氣之學。期集其散而漸凝聚。以還於一炁之元充。因此養氣之學。爲對治浮動之故。非假長時期之修培。不足以期充固。而與政以刑立。法以施張。以制人身者。其用旣稍有別。則政教之勢。不得不分。而其所以合者。道之源同也。所以分者。道之流異也。道與教。教與政。源流之合分旣若是已。則今日言道。定其正旨。果當如何。此爲吾人所宜深審也。吾以爲政教同源於道。其勢旣分。則政爲範圍人身之具。教乃維繫人心之基。人固不能無身而寄其心。亦不能無心而立其身。雖然。心可自治其身。身則每害其心。從人事察之。則心爲本。身爲末。教爲本。政爲末。道爲本。教爲末。就本末推之。則道化爲教。教行爲政。欲政之平。必教之明。欲教之明。必道之昌。故云大道。於今世之世。非合各教而明之。不足以昌道也。道與教不克昌明。則人心無所維繫。縱有政治。徒以刑法範圍人身。而人心從昧。欲其守法弗渝。必不可得。此吾院所以訂定院綱。以合五教而期歸於一道也。至於人身之範圍。藉刑法以爲用。本乃末之又末。果使人心因教之明。而多契道。則雖無政治之用。而其所以平治者。未嘗不可同於上古之盛也。或謂世之治亂。每觀政治之隆污以爲轉移。是欲世之平治。自應先求政之隆盛。

斯言也。但知其末。未揣其本者也。夫政治之隆污。轉移世之治亂者。淺視之。固屬相因而成。然其因之所以因。則由人心。人心之推於政治而分治亂者。由於有道與否也。由是論之。假令人心知道。雖有良法。不足以隆政治而平世化也。然則今日爲言救世。可不注重明教以昌道乎。吾院定旨若是。而恐修人或猶未解。故於院綱又復大書特書曰。不分種族。不涉黨派。不談政治。此三語。雖爲題外文章。而所以拓植至道之宏基。而開大同之妙運者。含義之深。亦可於此見之已。天道無言。而四時順其序已。地道無言。而萬物有其節已。人道無言。而起居得其適已。自有生物以來。未有不從其順而違其逆者也。是人之修也。不必其言而在其行。得其行者。盡在無言之中已。若明若昧。修者必從其明。其明也。能使人順其自然。其昧也。皆弗能自如。故有以自身之息。爲萬有之息。成其標本者。其故何也。君子之道。不在多言。惟在力行。能行其行於弗識弗知之間。使人人皆宗其宗者。斯謂之教。教者。教人行其道者也。無道不得謂之教。是教者。道之所恃以爲喉舌者也。道者。教之所恃以爲主者也。其主弗得。而曰喉舌爲之宗者。未之有也。是以修道必先修心。心者。萬有之主。百神之舍也。其心弗正。則其身弗適。其身弗適。其息必阻。滯而不能川流弗息已。是心有所疑者。則其神馳。心有所念者。則其靈幻。心有所動者。則其精散。神不守者。則其言必妄。靈不凝者。則其言必失。精不固者。則其言必亂。言失者。必喪其魂。言妄者。必喪其魄。言亂者。必喪其氣。魂喪則傷陽。魄喪則戕陰。氣喪則炁不固。故曰。人之所以爲人者。靜而已。人之所以爲修者。潛而已。人之所以爲養者。和而已。靜則固其炁。潛則充其靈。和則養其精。三者得其適。而後炁聚神凝。道斯正已。正吾之道以化夫人者。必自無爲始已。無爲者。無不爲也。爲而後行者。則失其道已。不見其行而行。不見其爲而爲者。

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>